

## الفصل الرابع

مع الجليل مساعد الوزير اللواءمصطفى عامر الأصيل.. بناء على رغبة كل الجماهير.. اللي بياكلوا ويقرأوا سحت وربنا عليهم كبير..! اسم العملية والخطة (الوصول لرقم واحد في مكتبه..!) مدير الكلية جدو اللواء علي صلاح محمود والذي أصبح وكيل أول وزارة الداخلية الطيب الحنين علينا وعليها..! طب إزاي التنفيذ يا عمو درش..؟ في دي معرفكش..! الله الله.. ليه كده يا عمو مصطفى.. ما سعادتك كنت كويس وماشي معايا وبتصحني.. حاتيحي على دي وتتخلى عني وتفضحني..؟ بصراحة يا ابني يا سويلم القرموط.. أنت مش محتاج نصيحة.. ده أنت تكيس الحوت..! ودي مشكلتك في الوصول لرقم واحد في مكتبه..؟ وتخطي العقبات في طريقك بالمناورات..! ولا يشوفك حد من ضباطنا الحضرات في الطرقات.. لحسن نعملك نعي في جريده الأهرام.. ونقول عليك الشهيد اللي مات..! بقى كده يا عموة آخرتها.. وسعادتك بالنسبة لنا وللكلية عمدتها..؟ وحاتخليني ماقدرش حتى أوصل لخبرتها..! أو أجد حل للحكاية وأشوف حلاوتها..؟ والله أنت باين عليك طماع..! وحاتودينا للضياع..؟ ودي حاجة لا تطاق..! امش انجر.. والدنيا حُر.. وأنت حُر.. وادلع واتمايص لغاية الباشا ما يخرج وما تلحقوش وتبقى لايص..؟ لا عارف تروح هنا.. ولا هناك! حاضر.. حاضر.. يا

عمو فهمت..! استعملت أساليب التدريب على اجتياز الموانع لأستاذنا الرائد/هاني عبدالعال الشائع.. وكل ما أشوف مانع.. ضابط أو صف ضابط أو جندي.. أرمي من أيدي زلطة بعيدة..! وأشتت انتباههم بذكاء ومكيدة..! ويطلعوا المسدسات والحديدة..؟ ويبصوا ويروحوا على اتجاه الصوت.. وأنا أتقدم حثيثاً لصوب مكتب المدير وكاتم النَفَسِ والصوت..! إلى أن وصلت لعتبة المكتب أبو ضلفتين المروحيتين.. وكان الضابط مدير المكتب مزنوق في الحمام.. فدلفت ودخلت على جدو الباشا المدير.. وكان لابس بدلة شيك زرقاء وكراقة حمراء حرير في حرير.. وفي جيب جاكيت البدلة العلوي قصرية زهور كوسة من بستان الكلية الصباحية..! جدو انخض من دخولي عليه واختراق أمنه وأمانه أمامه وأنا بين يديه..! وقالي بنرفة: أنت مين وعايز إيه؟ يا جدو الباشا العظيم ربنا يخليك وبيارك فيك وتبقى يارب وزير أو وكيل وزير..؟ أنا ط.ضابط سعيد سويلم.. وأنا اللي كنت لغة تانية ألماني.. ودخلت الكلية ودرست بمعرفتي بره فرنساوي.. وسعادتك قلتلي في كشف الهيئة إيه اللي جابك عندنا..؟ وأنت مش دارس لغتنا..؟ لكن الله يسرها في وشي وفي سكتي بالحكاية الكبيرة (اللي سوف أحتفظ بيها بعيد عنكم وسأسردها حصرياً في الكتاب القادم الجديد عشان تدفعوا الإيجار والتجديد..!) المهم جدو قاللي: إيه حكايتك.. بعد ما سمح ليأ جدو بالجلوس.. عشان أنا مؤدب

ومقدرش أدوس..! أو أعمل أي حركة إلا بإذن وتصريح صريح وليس بالتلميح..! قعمزت على الفوتيه وعندي خصلة ولازمة بايخة..! وكنت لابس شورت عشان أنا لسه في سنة أولى ونانوس في عرف الطلبة القدامى الهكسوس..! إيه بقى الخصلة واللازمة البايخة اللإرادية؟ إني أقعد على الكرسي أو الفوتيه وأهز رجليا تبادلياً للأمام والخلف.. وإيدي بتاكلني عايزة كرة اسكواش كوتش عشان أنطقها في الحيطه والدبش.. لتخفيف التوتر عليا.. وأنقله للي قدامي أو اللي بيغلس عليا! المهم بدأت في سرد حكاياتي ورواياتي الأسية..! وانطلقت في الاسترسال بإسهاب وإسهال.. عندما وجدت جدو متأثراً.. وبيعيط ويطبطب عليا..! قعدت آخذ من خاطر جدو الباشا الكبير..! وقلت لمعالیه: ما تزعلش يا جدو يا عظيم.. أنا كويس.. وإن كنت في السن صغير.. لكن في القيمة كبير!

فازداد جدو نحيباً.. وانهمرت دموعه على وجنتيه وخديه رحمه الله..! وقاللي: أنت ضيفنا هنا.. إلى ما شاء الله.. (كانت زمان الإنسانية منتشرة كثير وزيادة في الدنيا.. مع هؤلاء القادة والآباء بكل تواضع وأصل وحب وود وحنیه.. إيه يا دنيا فين زمانك.. فين ناسك.. فين طباعك.. فين أصلك.. فين حنانك.. فين الأجرة..؟ بتاع زمان !).

فرحت أكثر وكنمت دموعي.. وسررت أكثر وحبست آلامي..  
وبخاصة عندما استدعى جدو الباشا.. مين يا أحبابي..؟ عمو  
مصطفى عامر..! لتنفيذ تعليماته بالآتي : أولاً: امشي منك  
له من قدامي.. ثانياً: مفيش تكلمة لكلامي.. ثالثاً: يبقى جدع  
اللي يعرف إيه اللي حصل ثاني..! ده أنا شايل منكم شيل..!  
ولا شيل الأرض للجبال..! روحوا جيبوا الحمال عشان يجييلي  
الهدايا والأموال.. عشان ترضوني وتصلحوني.. وتأخذوا بخاطري  
وتكرموني..! وبعدين أفكر أعمل فيكم وليكم إيه.. في الحكاية  
الكوتش.. اللي كل ما أقفلها تأخذ وش.. وتفتح ثاني بالأمني ايش  
ليبا دش!

